

NULEPA LE ZOKHENHTU PAWL SINAH CAKUAT TAWI

Melbourne khuachung ummi hna sin le Mitchell Shire ah ummi nulepa le zokhenhtu hna sin cakuat

Dawtmi nulepa le zokhenhtu hna,

Victorian mipi cozah nih voi thumnak Term 3 ah Victoria sianginn onhthannak kongah theihernak a tuahmi thawngpang cu nan theih cio lai tiah kan zumh.

Victorian ngandamnak lei nawl ngeibiktu hna ruahnak peknak cung hngalhchanh in Melbourne khuachung le Mitchell Shire ummi Victorian cozah sianginn hna cu voithumnak Term 3 Zarh 1 chung ah a tang lei bantuk in ningcang tein chiahding timtuahnak an ngeih lai. Cun Zarh 2 a thawk in hlan-kan tein timtuah ciami kum 10 siangngakchia hna caah fawi tein remh le thlen khawh simi ca cawngning in thlenpiak an si lai.

Victorian ngandamnak lei nawl ngeihtu hna nih ruahnak pekmi cu sianginn hna nih pehzulh tein riantuan khawhnak ding caah tha tein i cinken a herh. Victorian ngandamnak lei nawl ngeihtu hna nih ruahnak pekmi cu nganfahnak tahnak kong he pehtlain in ruahnak pekmi cu siangngakchia le zungriantuan hna nih zuhl ding a herh. Cun kan mah zong nih kan zulh ve lai.

Hi hlan-kan in timtuahnak nih aa timhbikmi cu siangngakchia tlawm deuh chiah ding hi a si – an nulepa le zokhenhtu hna – coronavirus (COVID-19) kharhnak khamhnak ding caah Melbourne khuachung le Mitchell Shire ah thialnak zong tuah a si lai.

Cutincun a sikonain cheukhat siangngakchia hna caah cun hmai-tonh cachimh cu a herhmi an um rih. Kum 11 le kum 12 siangngakchia (le ammah le an cacawnning cang a simi kum 10 siangngakchia VCE a kaimi a siloah VCAL a kaimi siangngakchia hna cu an) i tel dih ve lai a ruangcu VCE asiloah VCAI an cacawnnak upa deuh cawnmi pahninhnak an kaimi dihnak lehhmah cu an ngah khawh nak ding caah a biapi tuk caah a si.

Sianginn thabik hna ah a kaimi siangngakchia cu cachimh a thiammi cachimhtu le hmaitonh in cachimhnak cu zungriantuan tu hna nih bawmhnnak peknak a um hrim hrim lai. Inn in riantuan kholomi nulepa le zokhenhtu hna a ummi chungkhar hna cu kan bawmh hna a herh, website in cawnnak a lak khomi a dangdang zong bawmhnnak kan pekhna a herh.

A sihrimhrim timi fehernak ding caah, Kan sianginn le Melbourne and Mitchell Shire khua chungah ummi sianginn hna nih sianginn an kaini ah takpumtahnak cu siangngakchia dihlak sinah tah a si lai. Na fa a tak a linh sual a siahcun, an sianginn in tinpi ding ah nawl na hal hna awk a si.

Timtuahnak a thar cu a tanglei bantuk tein fehter a si cang.

Nikhatni 13 – ningani 17 July

VCE asiloah VCAL a cawngmi siangngakchia simi kum 11 le 12, kum 10 siangngakchia le sianginn thabik ah a lutmi saingngakchia hna cu Nikhatni 13 July thla ah khirhthan an si te lai.

Nikhatni 13 – Ningani 17 July ah a lutmi kum 10 siangngakchia hna cu man pek loin lut a si lai. Hi man liam lo ni tuahsernak nih hlamhlat in cawnnak le fawi tein remh le thial khawhmi cawnnak thlennak ding caah timtuah caan tampi a kan bawm lai.

Hi ca cawnnak caan chungah online in cazohpitu a herhmi siangngakchia hna caah bawmhnnak peknak kan tuah te lai. Nulepa le zokhenhtu hna riantuan khawh lomi le derthommi siangngakchia hna nih hi timtuahnak cu sok khawhmi a si.

Hi bawmhnak peknak in kan in bawmhkhawh nak ding caah, bawmhnak na herh ahcun na sianginn ah pehtlainak tuah hna.

Hi bantuk in aa khatmi timhtuahnak cu Melbourne khuachung ummi sianginn le Mitchell Shire ah thawk khawh a si cang.

Nikhatni 20 July in pehzulhnak tuahnak

Nikhatni 20 July thawk in, kan siangiin nih hlamhlat in cawnkhawhnak le fawi tein thlen le remhkhawhmi cawnning in cawnhram kan thawk cang lai. Hi cawnnak cu a tanglei siangngakchia hna caah a si lai:

- kum 11 le kum 12 siangngakchia hna nih an mah le VCE asioah VCAL tuah dingmi hna
- Sianginn a thabikmi ah luhnak a tuahmi siangngakchia hna

A tanglei siangngakchia hna nih hin online in cachimhtu he cawnnak cu an lak khawh, a sinain hlamhlat in cawnnak tuahmi cawnnak zong lakchih a si lai:

- Siangngakchia i nulepa/ zohkhenhtu hna cu siangngakchia kha inn ah tha tein timhtuahnak tuah piak khawh lo,cun cozah siangiin ah siangngakchia cachimhtu hna online in riantuan awk a herhmi hna zong an i tel ve lai
- Santlai lomi siangngakchia pawl
- Pumtlamtlingsi siangngakchia hna nih cun website ah cawnnak lak khawh ding in thimnak nawl an ngei.

Voihnihnak Term 2 caah cun hlamhlatpi in cawnnak nakin fawitein thlen le remh khawhmi cawnnak cu timhtuahnak cu kan zulh ve lai.

Zunglei nih na siangngakchia hna cu *Learning from Home (Inn in cacawnnak)* website education.vic.gov.au/homelearning hi na pek khawh nak hnga ding caah timhtuahnak thimnak nawl an in pek.

coronavirus (COVID-19) thawngpang hnubik le sianginn onthannak le Department of Education and Training (Fimthiamnak lei zung le cawnak) website: education.vic.gov.au/coronavirus

Victorian Ngandamnak lei nawl ngeihbik tu hna nih upa kumtling mi nih cun hmurhuh le hmai huh cu hman ding in fehter a si cang nain tu lio caan ahcun sianginn ahcun i hup ding in nawl chuah a si lo. Zawtnak a um caan poahah, siangngakchia hna nih hmurhuh le hmaiuh i hup an duh a siahcun sianginn zongnih tuah a si ko lai.

Nangmah, na fa, asilole innchungkhar chungtel pakhat kha taklinh, therh asilole thlanchuah, khuh, or fah, thawhchuah iharh, hnapchuah, a rim asilole a thawtnam theihnak tlau timi zawt hmelchunhnak nan ngeih ahcun, coronavirus (COVID-19) cheknak hmun ah nan ichek hrimhrim lai i inn ah nan um lai.

Hihi cu kan sianginn hmunhma le riantuannak himnak ding caah a biapi tukmi a si.

Department of Health and Human Services (Ngandamnak zung le Minung Bawmhchahnak) sinin ngandamnak lei thawngpang theih na duh a siahcun hi website dhhs.vic.gov.au/coronavirus ahhin na kan leng khawh.